

## Kabataang Mapaglingkod na Tagapamuno

### II. MGA KATANGIAN NG ISANG SERVANT LEADER

Ang mapaglingkod na pamumuno ay ang pangunguna sa paglilingkod. Ito ang prinsipyo ng pamumuno na tinuturo ni Jesus na dapat isakatuparan. Upang ito ay mapangyari kailangan magtaglay ng mga katangiang makadiyos ang isang leader.

Ang katangian o qualities ay may kinalaman sa characteristic o pag-uugali ng isang tao. May mga katangiang kapansin-pansin na taglay ang leader na maghihikayat sa kanyang mga tagasunod o pinamumunuan na lapitan, pagtiwalaan at tularan siya.

#### Time Out

Anong prinsipyo ng pamumuno ang tinuturo ni Jesus na tularan mo?

---

Anong katangian ang mayroon ka na dapat makita sa isang leader?

---

#### PAG-ARALAN at PAG-USAPAN:

May hindi kukulang sa pitong katangian ang dapat na taglay ng isang makadiyos na leader. Ito ay ang mga sumusunod:

##### 1. Wisdom o Karunungan

Ito ang katangiang nagpapakita kung paano gamitin ang mga kaalaman ayon sa kalooban ng Diyos. Ang kaalaman ay kinakailangan para magkaroon ng karunungan. Subalit hindi ibig sabihin na ang mayroong kaalaman ay mayroong pang-unawa sa mga layunin ng Diyos o sa Kanyang mga pamamaraan. Ang karunungan ay ang pagsasabuhay ng kaalaman sa paraan na kalugod-lugod sa Diyos. Katangahan o kamangmangan ang kabaligtaran nito.

Basahin ang Genesis 31 at 41:1-57



Sa iyong binasa, paano makikita sa buhay ni Joseph ang unang katangiang nabanggit?

---

---

Ang karunungan ni Joseph ang pinagmulan ng kanyang pang-unawa sa pamamaraan ng Diyos. Dahil sa karunungan nagkaroon si Joseph ng malawak na pagkaunawa sa layunin ng Diyos at sa

plano na mapag- ingatan ng Diyos ang Kanyang bayan sa darating na taggutom. Nauwi ito sa pagiging punong-ministro ni Joseph sa bayang kanyang pinaglilingkuran.

Bukod kay Joseph, si Joshua ay isa pang example ng Bible character na nagtataglay ng katangiang ito. Si Joshua ay kinikilala bilang isang magaling na military leader. Siya ay pinagkalooban ng Diyos ng karunungan upang pangunahan ang mga Hebreo sa pitong taong pananakop tungo sa Lupang Pangako na ipinangako ng Diyos kay Abraham. Ang kanyang buhay bilang modelo sa pagiging leader ay madalas na nagiging source ng practical application kung paano maging epektibong leader. Ang karunungang ito ang gumabay sa kanila tungo sa tagumpay. (Joshua 1:1-18)

Sino pa ang nakikilala mo na ibang Bible character na may ganitong katangian? \_\_\_\_\_

## 2. Discernment o Pagwawari

Ito ang katangian na nakakapaghusga kung ano ang tama o mali at mabuti o masama. Kasama dito ang pagsusuri o pag-eeksamin upang makapagsaayos ng isang determinasyon o ng mabuting pasiya. Kalabuang-isip ang kabaligtaran nito.

Base sa iyong binasa sa Genesis 31 at 41:1-57, paano makikita sa buhay ni Joseph ang ikalawang katangiang nabanggit?

\_\_\_\_\_  
\_\_\_\_\_

Dahil sa matalino at may pagkilala ng mabuting pasiya si Joseph, nagkaroon siya ng pang-unawa patungkol sa nararapat gawin upang maihanda ang buong Egypt para sa darating na taggutom. Nagkaroon siya ng malinaw na pangitain sa kung ano-anong bagay ang dapat maisaayos upang hindi sila maapektuhan ng taggutom. Naging malinaw ang kanyang pananaw sa mga susunod na maraming taon hanggang sa kabila ng taggutom.

Sino pa ang nakikilala mo na ibang Bible character na may ganitong katangian? \_\_\_\_\_

## 3. Faith o Pagtitiwala

Ito ang katangian na nakapagbibigay kasiguruhan sa buhay dahil sa mga pangungusap, pangako at direction ng Diyos. Ang pagtitiwala ay ang pagsasagawa at pagsasapamuhay ng salita ng Diyos na nagbibigay ng kakayahan na mabuhay ng may katiyakan sa Kanyang mga pangungusap, pangako at utos. Ang kabaligtaran ng pagtitiwala ay ang pag-aalinlangan na laging nauwi sa pagsuway sa kalooban ng Diyos.

Basahin ang Genesis 6 at 7:1-24



Mula sa iyong binasa, paano makikita sa buhay ni Noah ang pangatlong katangian na nabanggit?

---

---

Naniwala si Noah sa mga babala ng Diyos tungkol sa mga pangyayaring di pa nagaganap. Sa pagbibigay karangalan sa Diyos, gumawa siya ng isang arko ayon sa mga detalye na dinikta ng Diyos sa kanya. Ang mga hindi nagtiwala sa Diyos ay nangalunod nang maganap ang malaking baha o delubyo.

Bukod kay Noah, matututuhan din natin sa buhay ni Joshua ang kanyang matibay na pananampalataya sa Diyos. Nang makarating na ang mga Israelita sa dulo ng Promised Land, inutusan ng Diyos si Moses na magpadala ng 12 spies upang magmanman sa sasakupin nilang lupain. Si Joshua (kasama si Caleb) ang isa sa mga nag-espiya. Sampu sa mga espiya ay nabahala dahil sa malalakas, mabagsik at malalaking mga kawal na naninirahan sa lugar na iyon. Si Joshua (at Caleb) lang ang hindi natakot sa laki ng mga kawal na kakalabanin nila sapagkat kilala niya ang Diyos. Malaki ang pagititiwala ni Joshua sa Diyos na kung paanong iniligtas sila sa kamay ng makapangyarihang Egyptians siguradong ganoon din ang gagawing pagliligtas sa kanila ng Diyos mula sa mga tribo na sasagupain nila. (Numbers 13, 14:7-10)

Ang pagtitiwala sa Salita ng Diyos ay nagbubunga ng katapangan.

Sino pa ang nakikilala mo na ibang Bible character na may ganitong katangian? \_\_\_\_\_

#### 4. Courage o Katapangan

Ito ang katangian na nagpapatatag ng loob ng isang tao kapag may dumarating na panganib o kagipitan sa kanyang harapan. Hindi siya nakukuhang sindakin o takutin ng isang kaaway. Ang sukdulang tapang ay mapagmamasdan sa isang taong hindi bumibigay o yumuyuko sa pabigat ng kahihyan, pagdurusa, o pagtatakwil sa kanya. Ang tama at mabuting katapangan ay ang paninindigan sa salita ng Diyos; ang mali at masamang katapangan ay ang bulag na pagsunod o ang may katangahang pagwawalang bahala sa panganib. Kaduwagan ang kabaligtaran ng katapangan.

Basahin ang Josue 1:5-6 at Josue 6:1-20



Mula sa iyong binasa, paano makikita sa buhay ni Joshua ang pang-apat na katangiang nabanggit?

---

---

Si Joshua ang namuno sa bayan ng Israel tungo sa Lupang Pangako na kung saan ay pinamamahayan ng iba't-ibang malalakas at mapandirigmang mamamayan. Kina-kailangan nila ang pwersadong pagkamkam sa pagsakop nila sa lupaing iyon. Nang kinomisyon ng Diyos si Joshua, ang sabi ng Diyos ay ganito: Walang kalaban na tatayo sa iyong harapan sa buong buhay mo. Gaya nang Ako ay nasa tabi ni Moses, ganoon din Ako sa iyo; Hindi Kita iiwan o pababayaan kailanman. Magpakalakas ka at magpaka-tapang sapagkat pamumunuan mo ang iyong bayan upang manahin nila ang lupaing Aking ipinangako sa kanilang ninuno (Joshua 1:5-6).

Ang katapangan na ipinakita ni Joshua sa kwentong binasa ay mula sa kanyang pagtitiwala at paninindigan sa salita at pangako ng Diyos.

Sino pa ang nakikilala mo na ibang Bible character na may ganitong katangian? \_\_\_\_\_

### 5. Integrity o Pagiging Matuwid

Ang pakikihalubilo sa iba ng taong may integridad ay matapat, walang pagkukubli o kahalong pandaraya. Walang mapanghahawakang kamalian ang sino man laban sa taong may integridad. Mapanloko, mapagkunwari, doble-kara ang mga kabaligtaran ng integridad.

Basahin ang Genesis 39:1-23



Paano makikita sa bahaging ito ng buhay ni Joseph ang pang-limang katangiang nabanggit?

---

---

Napagtanto ni Potiphar na ang Diyos ay kasama ni Joseph sapagkat pinagtatagumpay ng Diyos si Joseph sa lahat ng kanyang gawain. Dahil dito, si Joseph ay ginawang katiwala ni Potiphar sa kanyang buong sambahayan at kanyang ari-arian. Si Joseph ay matapat na naglilingkod kay Potiphar hanggang siya ay nacompromiso nang siya ay bigyang pansin ng asawa ni Potiphar. Ipinamalas ni Joseph ang pagkakaroon niya ng integridad sa pamamagitan ng kanyang sagot sa asawa ni Potiphar na walang tigil sa panunukso sa kanya: Tingnan mo, nang gawin akong tagapangalaga ng aking master ng kanyang buong sambahayan at ari-arian, hindi na niya kailangang isipin pa ang mga bagay na ito. Wala nang mas hihigit pa sa tahananang ito at wala siyang ipinagkait sa akin maliban sa iyo sapagkat ikaw ang kanyang asawa. Paano ko magagawa ang isang kasuklam-suklam na gawain at kasalanang tulad nito laban sa Diyos?" (Genesis 39:5-20)

Sino pa ang nakikilala mo na ibang Bible character na may ganitong katangian? \_\_\_\_\_

## 6. Humility o Pagpapakumbaba

Ang katangian na nagtutulak sa paggawa ng bagay na kalugod-lugod sa Diyos at hindi para sa sarili o sa ibang tao. Dahil sa humility nakukuhang aminin ng isang tao ang kanyang pagkakamali o kakulangan. Ang matinding pagpapahalaga at mataas na pagtingin sa sarili ang kabaligtaran ng pagpapakumbaba.

Basahin ang 1 Mga Hari 3:4-14



Paano makikita sa bahaging ito ng buhay ni Solomon ang pang-anim na katangiang nabanggit?

---

---

Si Solomon ay nagpakita ng pagpapakumbaba sa harapan ng Diyos. Kinilala niya ang kanyang kakulangan sa kakayahan upang mamuno ng may katarungan sa bayan ng Diyos. Kaya naman hiniling niya sa Diyos na bigyan siya ng karunungan. Higit pa doon ang ipinagkaloob sa kanya ng Diyos.

Sino pa ang nakikilala mo na ibang Bible character na may ganitong katangian? \_\_\_\_\_

## 7. Loyalty o Katapatan

Ito ang katangian ng pagiging totoo at deboto sa Diyos at sa mga kaibigan. Ang pagpapatuloy na pagsuporta sa kaibigan kapag ito ay nakararanas ng pagsubok. Ang kabaligtaran nito ay pagtatraydor o pagtalikod.

Basahin ang 1 Samuel 20:1-17



Paano makikita sa kwentong nabasa ang loyalty o katapangan ni Jonathan kay David bilang isang matalik na kaibigan?

---

---

Minahal ni Jonathan ang kanyanag matalik na kaibigang si David kahit na galit dito ang kanyang ama. Nangako si Jonathan na bibigyan niya ng babala si David kapag may manggagaling na panganib mula sa kanilang tahanan. (1 Samuel 20:1-17)

Sino pa ang nakikilala mo na ibang Bible character na may ganitong katangian? \_\_\_\_\_

Lahat ng tao ay may pinangungunahang tao. Maaring ikaw ang panganay sa inyong magkakapatid o magpipinsan, isang group sa school, class or student body president, ikaw ay isang leader. Ang pagiging leader ay hindi biro, maraming responsibilidad ang napapaloob dito. Kinakailangan ang mga katangiang napag-aralan upang maisakatapuran mo ang uri ng pangunguna na tinuturo ni Jesu Cristo. Ang pangununa kalakip ang mga katangiang ito at ang uri ng iyong paglilingkod ay magiging paraan din upang makilala ng ibang tao ang Panginoong Jesus dahil sa katayuan mo.

Ang tanong ay, kinakikitaan ka ba ng mga katangiang ito?

**PAGBULAY-BULAYAN:**

1. Gamit ang pitong katangian nabanggit, i-rate mo ang iyong sarili. I-highlight mo kung hanggang saang number sa tingin mo ay magde-describe kung gaano kalakas ang katangian na ito sa iyo. Ten ang pinakamataas at 1 naman ang pinakamababa.

Katangian/Level	1	2	3	4	5	6	7	8	9	10
Wisdom o Karunungan										
Discernment o Pagwawari										
Faith o Pagtitiwala										
Courage o Katapangan										
Integrity o Pagiging Matuwid										
Humility o Pagpapakumbaba										
Loyalty o Katapatan										

2. Balikan ang iyong mga sagot sa #1. Paano mo mapapalakas ang mga katangian na sa nakikita mong nagkukulang ka pa?

---



---

3. Sino ang nakikilala mong leader ang nakakakitaan mo ng kalakasan sa lahat ng mga katangiang ito?

---

Natutunan ko na	ang mga katangiang ito ay mahalaga na ma-develop sa akin sapagkat:
-----------------	--

**Verse of the Day:**

Huwag mong hayaang hamakin ka ninuman dahil sa iyong kabataan. Sa halip, sikapin mong maging halimbawa sa mga mananampalataya, sa iyong pagsasalita, pag-uugali, pag-ibig, pananampalataya at malinis na pamumuhay. **1 Timoteo 4:12**